

LA USC DI LADINS – VENERDI' 15 FEBBRAIO 2019

6.000 “me plej”

Dant otedí á “La Usc di Ladins” passé via l bel numer de 6.000 abonés a sies notizies sun Facebook. Festa te redazion con dilan a duc nosc letours per la creta che ai nes dá cuotidianamente per nost servisc online (www.lausc.it, Facebook y Instagram), y edema per edema per nost foliet stampé y tl format e-paper

“Granmarzé”, “grazie”, “giulan”, “dilan”, “iolan”, “de gra”, “telpai” a dutes mies coleghes y a duc mi colegs, con lapró la presidenza dla Union Generela di Ladins dla Dolomites sciche editoura de “La Usc” y a duc i colaboradours esterns

che nes tegn tres informés sun i fac y les novités interessantes tles vals ladines y ence tla diaspora ladina.

Demé ADUM onse la forza che i adoron per jí inant, ajache tla coleghialité y unité stál scrit l davegni de nost lingaz ladin y de nosta cultura.

Sen podonse n iade fé n pue festa per le bel travert arjont di “6.000 me plej”, savon che numeri n’é nia la notizia, ma che ai conduj - te nost cajo - a la notizia!

Iaco Rigo, diretour



Da man cianciam, en pe: David Complojer, Pablo Palfrader, Veronika Insam, David Lardschneider, Lorenzo Soratroi, Marco Dibona; sentés: Iaco Rigo, Monica Cigolla, Ulrike Maierhofer, Cristina Marchetti, Milva Mussner, Lucia Gross, Giulia Tasser. Al mancia la manajadoura dl'aministrazion Marion Kostner.